



文翰類選大成卷第二十九

文翰類選大成卷第二十七言古詩目錄

元

元裕之二首 杜文玉一首 王磐一首 楊與然一首

劉彥吉六首 盧處道一首 李子搆一首 虞伯生八首

馬伯庸一首 王繼學一首 范德機三首 謝端一首

姚樞一首 周景遠一首 貫海涯二首 陳剛中一首

鮮于伯機一首 趙子昂五首 盧彥威一首 字木子翬一首

胡汲仲一首 楊仲弘二首 揭曼碩三首 黃子肅一首

周衡之二首 胡尊生二首 陸文奎一首 李坦之一首

薩天錫一首 歐陽伯恭一首 陳衆仲二首 張仲舉二首

李季和二首 吳師道十首 韓中材二首 王在中一首

林德陽一首 貢泰甫一首 成廷珪三首 陳古春一首

吳維申一首 程以文一首 萬德躬一首 揚廉夫一首

龍子高二首 程文海四首 滕王雲一首 劉時中一首

聶古栢一首 龔楚清一首 薛宗海一首 傅謙則一首

許益之六首 郝伯常二首 元復初一首 卜友曾一首

杜仲高一首 袁德平一首 陳茂卿一首 劉声之一首

毛靜可二首 黃晉卿一首 顏淵伯二首 王尚志一首

傅景文一首 趙春洲一首 李仲公二首 辜德中三首

陳元弼一首 江叔載一首 徐伯通二首 劉愈珎一首

歐陽原功一首 方求一首 徐則聞四首 劉子明一首

余正卿一首 趙德元一首 周子震一首 馬子尚一首

葉景南四首 丁守中四首 吳立夫八首 張惟中七首

林彥華九首 揭希韋一首 龔子敬一首 彭元亮一首

文翰類選大成卷第一百三十狀目錄

唐

陸敬輿十篇 韓退之四篇 柳子厚二篇

宋

晏同叔一篇 司馬季實六篇 蘇子瞻二篇

元

陳天祥一篇

文翰類選大成卷第一百三十狀目錄

文翰類選大成卷第三十

左長史上海李伯璽編輯
伴讀四明馮厚校正

詩類七言古

元

鄧州城樓

元裕之

鄧州城下湍水流鄧州城隅多古丘隆中布衣不復見浮雲
西北空悠悠長鯨駕空海波立老鶴叫月蒼煙愁自古江山
感遊子今人誰解賦登樓

結楊柳怨

長樂坡前一杯酒鄭重行人結楊柳可憐楊柳千萬條看看
盡入行人手輕煙細雨綠相和惱亂春風態度多路人愛此

風流樹無柰朝暮暮折何朝暮暮折何時了不道行人暗中
老素衣今日洛陽塵白髮明朝塞城草柳色年年歲歲青關
情何事管離情春風誰向丁寧道折盡柔條莫再生

吊故宮

杜文玉

名瑛號緹山

月上觚稜椒壁濕飢烏啄碎琅玕石劫灰飛盡海揚塵廢殿
荒臺土花碧洛陽書生汴梁客一夜秋風頭欲白尊中賴有
酒如泉醉倚寒窓破愁寂

巨源相過話舊有感

王磐

中統三年春二月變起青齊吳越鯨鯢轉側海波翻城郭
橫尸野流血我時辛苦賊中來兵塵模糊眼不開妻孥棄捐
豺虎口飛蓬飄轉無根草大寒日暮齊河縣破驛荒涼絕烟
火騎行驛馬鈍如蛙官吏散逃無處喚與君此地忽相逢行

臺即官氣執雄閫我白頭遭罹長亂壯我臨難全孤忠急呼驛
吏具鞍馬使我厄路還亨通明晨相隨濟南去出入條侯營
壘中死生契濶不相棄起居飲食常相同標山華注日在眼
綿歷春草及秋風四郊斫木桑柘盡藥源飲馬波濤空兗梁
腰領官野草始見齊魯收烟烽巨源君且坐我欲高歌
君可和往事回頭十五年猶想離魂招楚些身逢喪亂百憂
纏生不成名空老大我依破硯竊恩榮君佐雄藩收最課流
萍斲聚不多時且喜相看顏一破我衰無力訪君難願君有
暇頻相過

有懷梁仲經父

楊煥然名夙

美人熒熒在何處海闊天低隔烟霧珊瑚零落芙蓉空咫尺
相望迷去路翠輦金輿雙鳳凰風吹環佩聲琅琅壺觴狼籍

事已往一目萬里愁茫茫。劉郎竟是誰家客。歲晚霜華林葉
赤。美人笑。在何處。鴨綠江頭江月白。

渡白溝

劉夢吉

東北天高連海嶼。太行蟠。如怒虎。一聲霜。雁界河。秋感慨。
孤懷幾千古。只知南北限。長江誰割鴻溝來。此處三關南下。
望風雲。萬里長風見。高舉萊公灑。落近雄才。顯德千年亦英。
主謀臣。史臣強解事。在著渠頭汗。吾鼓十年鐵硯。自庸奴五
載兒皇安足數。當時一失榆關路。便覺燕雲非我土。更從晚
唐望沙陀。自此橫流穿一縷。誰知江北杜鵑來。正見海東青
鳥去。漁陽搥鼓鳴地中。鷓鴣飛滿梁園樹。黃雲白草西樓暮。
木葉山頭幾風雨。只應漠。黃龍府。比似愁岡更愁苦。天教
遺壘說向人。凍雨頑雲結淒楚。幽燕多義烈。嗚咽泉聲

瀉餘怒。仰天大笑。更風來。雲放殘陽。指歸渡。

宋理宗書宮扇

天津月明啼杜鵑。梁園春色凝寒烟。傷心莫說靖康前。吳山
又到繁華年。繁華幾時春。已換千秋萬古合歡扇。銅雀香銷
見墨痕。秋去秋來幾恩怨。一聲白鴈更西風。冠蓋散為煙霧
空。百錢轆錦天。留在禍胎要鑿驪山宮。當時夢裏金銀闕。百
子樓前無六月瓊枝秀。發後庭春珠簾晴捲。天門雪棹歌一
曲。白雲秋不覺。金人淚暗流。乾坤幾度青城月。扇影無情也
解愁。五雲回首燕山北。燕山雪花大如席。雪花漫漫水我我
大風起兮奈爾何。

登荆軻山

兩山嶢嶢補天色。中有萬斛江聲哀。人言此地荆軻館。尚餘

廢壘山之隈太子西來函關開誰信生兒爲禍胎筆頭斷取
江山去已覺全無如死灰馬遷尚俠非史才淵明憤世傷幽
懷春秋盜例久不舉紫陽老筆生風雷遺臺古樹空崔嵬平
蕪落日寒煙堆紛紛此世亦良苦今古燕秦經幾回憂來徑
欲浮蓬萊安得會連同一盃碣石東頭喚羨門六鰲載我三
山來

幼安濯足圖

漢家無復雲臺功生平不識大耳公
天意鏡中語此身
只有高舟東關東諸公亦英雄
山陽封歸來老栢
蕭秋風世路悠悠七十翁乾坤
在霜海浮雲空復
空無刀可斷華太尉有死
丹青白帽凜冰雪萬
山月送真飛鴻爲誰真龍

歸去來圖

淵明豪氣昔未除翱翔八表凌天衢歸來荒徑手自鋤草中
恐皇劉寄奴中年欲與夷皓俱晚節樂地歸唐虞平生磊磊
一物無停雲懷人早所貴有酒今與龐通沽眼中之人不可
呼哀歌撫捲聳耳鳴鳴

采菊圖

天門折翼不再舉拍手四海橫流前長星飲汝一盃酒留我
萬古羲皇天廟堂袞袞宋元勳誰信東籬有晉臣南山果識
悠然處不惜寒香持贈君

淵明歸來圖

盧處道

留侯晚歲游赤松武侯早歲稱卧龍亡秦扶漢聲隆隆淵明
初非避俗翁兩侯大節將無同陽秋特書晉甲子辭鋒時露

長沙雄王弘何幸奉吾足督郵能芥平生曾門前五柳春濛濛
落絮不與江波東環堵蕭然吾未窮北牕儘有羲皇風畫
圖不盡千古意詩成一笑浮雲空

過黃陵廟 李亨構名材

黃陵廟前湘水綠天寒漁郎唱巴曲沙棠舟上月蒼蒼
白蜃江茫茫似聞清愁五十柱萬里鴻飛楓葉暮神鴉翻舞
祠門開珠裳玉袖霑莓苔玄猿晝啼蘿薜影赤鱗夜去芙蓉
冷北渚淚痕斑竹紋南風哀思蒼梧雲山頭古桂秋露碧山
下江流豈終極荒涼揭車雜杜蘅靈風自吹煙霧旌輕帆晚
向芳洲泊聊薦蘋蘩奠蘭酌沅有汜兮湘有沱洞庭之落生
層波裴回獨詠騷人歌

送孟脩兄南歸

虞伯生

老兄五月來作客八年不見頭總白五人兄弟四人在每憶
中郎淚霑臆我家蜀西忠孝門無田無宅惟書存兄雖管庫
實父蔭第竊餘澤承君恩文章不如仲氏好叔氏最少今亦
老土郎十歲未知學嗟我胡爲長遠道諸兒讀書俱不多又
不力耕知奈何夏乘唯得二三友看花把酒臨風歌蜀山嗟
峨歸未得盤盤先隴臨川側碧梧翠竹手自移應與青松各
千尺南風吹雪河始冰兄歸烏帽何累累明年乞身向天子
共讀父書歌太平

金人出塞圖

海風吹沙如捲濤高爲陲磧深爲壕築壘其上嚴周遭名王
專居氣振豪肉食醢飲田爲遨八月草白風颭颭馬食草實
輕骨毛加弦試弓復置橐今日不樂心慙慙什什伍伍呼其

曹銀黃免鵝明繡袍鵝鳴小管隨鳴靴背孤向虛出北臯
海東之鷲王不驕錦鞵金鏃紅絨條按習久蓄思一起是時
晶清天翳絕駕鷲東來雲帖帖去地萬仞天一瞥離婁屬望
目力竭微如聞音鷲一掣束胸上不回折遂使孤飛一片雲
頃刻平蕪洒毛血爭誇得雋頓足悅旌旗先歸向城闕落日
悲風起蕭屑烟塵滿城鼓微咽大酋要王具甘鬻王亦欣然
沃焦執闕支出迎騎小賦琵琶兩姬紅顴頰舞歌迭進醉燭
滅穹廬斜轉翬能月

董元夏景山口待渡圖

董元夏山何可得嘉木千章鐵作畫層巒總舍雨氣潤百谷
正受川光溢天牙洲渚善湫洄滄江散落碣石開山田何處
無耕豈尋源不得還徘徊柳下行人將有適臨流不度心爲

惻我揖孔堅舟孔安奉子以燕諒非難

爲達兼善御史題墨竹

蜀道荒涼多古木蒼蒼千尺相因依少年慣見今白髮杜宇
夜啼愁不歸老可嘗作陵州守古墨蛟龍多入手春雷每恐
破壁去神鼎空令夔魃走丹丘越人不到蜀脩葉何以能縱
橫內府人家爛漫寫使可見之心亦驚江南御史龍頭客暫
別那能不相憶知君深識篆籀文故作寒泉溜崖石

子昂墨竹

吳興畫竹不欲工腕指所至生秋風古來篆籀法已絕止有
木葉彫蠶虫黃金錯刀交屈鐵大陰作雨山石裂蛟龍起陸
真筆愁雲暗蒼梧泣湘血吳興之竹乃非竹吳興昔年面如
玉波濤浩蕩江海空落月年年照秋屋

題柯博士畫

磯頭風急潮水長兼葭蒼蒼繫魚榜青山一髮是江南白頭
不歸神獨往幽草繞屋茅蕭蕭木葉脫落秋滿簾曾魚沽酒
待明月定是黃州蘇子瞻子瞻文章世希有謫向江波動星
斗夜投斷岸發清嘯栖鷗驚飛怒蛟吼圖中風景偶相似欣
然揮灑春雲開子瞻應是念鄉里還化江東孤鶴來

題金馬圖

賈胡自騎千金馬解囊小憩荒城下平原無樹起秋風夢入
陰山雪橫野太平疆宇大無外外戶連城無閉夜不然安有
獨行人懷珪安眠如畫者

題花鳥圖

吳中女兒顏色好洗面看花花為情調朱弄粉不自施寫作

察問雪衣鳥綠意沉沉春晝遲半生心事花鳥知花殘鳥去
人不歸細雨梅酸愁畫眉

寄鄉友

馬伯庸

河邊父老念我出遠寄京華書一行謂言白髮今多少又報
南園竹樹荒門前石田杭秫熟犢牛新生走如鹿莫戀官家
有俸錢長年作客身如束

送蘇公赴嶺北行省郎中

王繼學

居庸關頭亂山積李陵臺西白沙磧畫省郎官貂帽側飛雪
皚、馬鞞濕馬蹄雪深遲、行冷月悽雲塞垣明鐵甲無光
烽不驚萬營角聲如水清明年四月新草生征人賣劍隴頭
耕思君遙、隔高城南風城樓來鴈鳴

萬竹亭

范德機

誰能買山種萬竹殘年請老住巴蜀結亭更在竹中間四面
雲谿寫山麓風敲最覺夜眠清雨洗賸延秋望綠日吟不限
三千字日飲定須過百斛隴西仙翁持斧客散馬涼城行新
菊爲言令弟隱滄江如此風流天下獨乃家正在蠶茨野東
東琅玕繞茅屋方知白眼待時人箕踞科頭自爲俗是邦子
雲劇博雅閉門草玄食漢祿多緣未識此君心往事微瑕傷
白玉使君自是廊廟具方駕前脩詎爲辱平生抱負勁直節
日暮天寒照空谷始我瞻望望不及終我嘆嗟不足乞官
倘或從西遊向子亭邊祝黃鶴

贈海康舉進士者

聖主徵儒用文學翻五士起海角元戎虎帳飛薦鸚洋水
成材玉新琢吉田舉饒鐘鼓作皇華大夫繡朱襖快馬繫蹄

脫斷相送西風出郊郭問君此行華尚若於菟要身是赤手
縛候鴈南飛不踰岳洞庭山秋木葉落詞場先鋒奪霜鏑萬
里青山上黃鶴明光宮中問禮樂董生策有經濟畧一朝聲
名動河朔往取青紫如博前年禮闈開峻擢明當接武絲
綸閣歸來錦衣照立登入生無如進士樂烏乎人生莫如進
士樂島尔高拔翔寥廓

轆轤怨

門前水揚聲似雨幽人當窓碧絃語東里征夫去不歸一雙
蛾眉鏡中舞年井上菱轆轤勞心只恐秋葵枯他年種得
長生草梅花落盡青好

滋溪書堂

謝端

趙之川濤浸涼易恒泥泚波各異出惟滋有溪亦是匹或伏

或見刀不容不能百里澤是從混之千里俱朝宗子襄涉河
觀湖江踔空蕩日怒擊撞歸視子滋嶺之龍是滋名揚子所
始有田有廬水之浹有堂楹庫非侈中經子史堂左右高曾
遺子以自課子廼善繼志不惰蒐今撫古快恠奇泓涵演也
吐為辭副墨往往傳京師贏金青紫世所取滋溪有源子有
後斯堂斯書可世守

被顧問題張萱畫明皇擊梧按樂圖 姚樞

阿萱五季名畫師尤工粉墨含春姿君王游蕩隨聲色不知
聲色傾人國開元無逸致太平夫寶書自生五兵偃月堂
幽筋深潛謀不入芙蓉苑咸陽新宮見 盧營筆雖工恐天
真四海蒼生半魚肉歸來豈為者囊中一日重開日月光
金却鑄郭汾陽

題五王辭歸圖 周景遠 名馳 御史

晉陽首事成功烈卒入宮門流戰血至親骨肉忍相殘禍至
黃臺那可說讓帝知幾辭玷位履霜知是堅冰至華萼相輝
勢使然遂許明皇敦友弟當時行樂殊未央賜予無節息非
常出則同遊入同宴五龍躩蹀騰康莊時光鼎鼎如流電虛
偽既消誠實見三子無辜死渭橋太真有龍來金殿欲心一
縱禍滔天社稷生靈不暇憐後此陵夷於五代干戈受亂過
年年

桃花岩 貫海涯 名雲石 號酸齋 川北 庚

美人一別三千年思美人兮在我前桃花 不 淋雨入白兆信知
塵世逃神仙空山亭亭伴朝暮老樹悲 不 發紅霧為誰化作
神仙區十文風煙掛淮浦暖翠流香春日沾手燃殘霞皆天

未幾回雲外落清嘯美人天上騎丹鶴神遊八極栖此山流
水杳然心自閑鮮劍狂歌一壺外知有洞府無人問酒酣仰
天呼太白眼空四海無纖物明月滿山招斷魂春風何處求
顏色

美人篇

仙風雕雪玲瓏温吳姬剪月纖纖昏行雲補鬢翠光滑滑鳳凰
叫落空山月手摘閒愁八字分春山恨重畫不伸肌濃汗膩
朱粉勻背人揮泪妝無痕霜刀自裂石搗裙閉門不識諸王
孫綠烟熏透藍田玉羅帶隨風換粧束飛鳥啼怨過長門芳
菲不忍韶華屋連環步窄玉珮響霓裳不袖闊春風長釧鬆腕
瘦覺多情舉手搔天天亦癢錦香帳冷蘭燈沉落花不入美
蓉余三山路杳銀河深彩鸞高訴愁人心天與美人傾國色

不如更與美人節夢裏梅花夢外身萬古千年對明月

銅雀臺

陳剛中

名字號勿齋一六台人衢州治中

古臺百尺生野蒿昔誰築此當塗高上一月三千金步搖滿陵
松柏圍鳳綃西飛燕子東伯勞塵間墓下路迢迢龍帳銀箏
紫檀槽怨漳河翻夜濤人生過眼草上露白骨何由見歌舞
獨不念漢家長陵一杯上玉匣珠襦鎖秋雨

望嶧山

鮮于伯機

東方巨鎮宗岱宗群山列侍臣妻同西去兩嶺起一萬仞却立不
屈如爭雄何年天星下天宮墜地化作三月芙蓉外如刻削中
空同閭風玄圃遙相通我昔東遊訪青芝群仙招我游中峯
悔不絕粒巢雲松失身誤落塵網中如公下可望不可到騰舟
凌羨冥飛鴻神仙可學事亦晚安用屑屑月悲秋逢吾聞暉陽

有孤桐鳳凰鳴處朝陽紅安得斷爲寶
不獻天子爲民解
歌雨風

題商德符學士桃源春晚圖

趙子昂

宿雲初散青山濕
落紅繽紛溪水急
桃花源裏得春多
洞口輕烟搖綠蘿
綠蘿搖烟掛絕壁
飛流直下三千尺
瑶草離離滿澗阿
長松落落空碧鷄
鳴犬吠自成村居
人至老不
識瀛洲仙客知仙
路點染丹青寄輕
素何處有山如此
圖移家欲向山中
住

送朱仲陽太平教授

列仙之儒山澤臞
手中黃紙新除書
教官雖冷實清
寒當塗山川如畫
圖我生無能百不
如盍不從君賦歸
歟請君爲我酌太
白矯首南望心煩
紆

謝鮮于伯機惠琴

仙人已歸白雲中
空餘手植青枝桐
根柯盤鬱如蛟龍
一朝霹靂驅雷公
烈火半熟隨狂風
箕子之裔多髯翁
才氣邁俗驚愚蒙
抱持來歸尋國工
斲爲二琴合商宮
我來自此欣相逢
持一贈我爲我容
自吾得此不敢寐
中夜起坐彈秋鴻
下弦清冷上黃鍾
轉弦更張涕滿胸
黃虞已遠將無同
恨君不識牙與鍾
恨我不識鼓與
勝周南大雅當誰
從

題黃素苗庭後

琴心玉文洞玄玄
金紐朱錦乃汝傳
子能得之可長年
山與素績粟完且
堅橫理如髮約兩
邊縱有赤道如朱
絃文居其間走玄
蠃飛雲捲舒相終
始大道甚夷非力
使無爲自然有至
理誰能精專換骨
髓掃除俗塵不瑕
穢目中有神乃識
真白

玉爲軹轅車輪裏以天上翠織成仙人樓居儼長生鸞鶴翔
舞猿猱輕子能保之慎勿驚宮室之中夜自明上清真入揚
與許焚香清齋接神語手作此書留下土千年流傳子爲主
東方青龍西白虎庶不索兮會勿與

題二喬圖

長江東去水滔滔誰謂河廣不容初中有喬家女兒淚何意
師昏隨二豪龍虎相爭欲相啖鸞鳳鍛羽將安逃不見當時
老諸葛獨聘醜婦何其高

題張國綱理問塞河詩卷

盧彥威名巨汲郡人翰林待制

道河積石堯解憂滔天之水成安流何年決齧齒半南土清淮
怒卷黃雲愁宣房既築漢歌喜越巫抱壁神光起害除梁楚
二渠成海溢西南九河死後來群策知誰賢何人捧土能防

彭城樓堞照黃土河平堰石愁金天吾皇放勳超萬古澤
世餘功平水土睢陽塞決付賢侯解纜狂瀾作安堵于今此
君寧復有從容小試經綸手千年遺愛在邦民春風吹水濃
如酒

閱故唐宮

李木子名魯神色日人翰林學士

錦佩走滅淮海波虬髯起操湯武戈盪民瘡痍六朝下天開
百二秦山河我來傍徨舊宮土細麥繁花忽誰主終南王氣
三百年仙李春風一千古春風吹夢天茫茫玉樓金殿春雲
香開元舞馬散冥冥紇干凍雀含悲涼世態蒼皇幾煙霧秦
漢英靈不知處崑崙崙河脉自西來湘浦鴈行今北去

題段郁文雪石

胡汲仲名長孺號石塘求康人寧海主簿

白雲飛來著春空翕霍變化生奇峰朝曦照耀舒復卷碧華

忽擁玻璃宮秋潮初壯明於雪千雷動地吳山裂濤頭出海
夕陽微百鍊青銅浮玉玦雲容濤勢偉且奇乍出乍沒須臾
時乾萬雪山白盈尺晴天萬里窺蛾眉似識詩翁作詩苦獨
擁清妍照環堵河翻月落夜未央如虹光氣飛屋梁

次韻虞彥高游陽明洞

楊仲弘

憶昔神禹奠九州茲山會計功始休諸侯玉帛渺何許但見
萬水從東流衣冠未閉陽明洞夜聞鬼哭岩之幽珠宮貝闕
號龍瑞天造地設非人謀槎牙怪樹凍不死化作千丈蒼玉
虬丹洞呀然仙掌裂翠峰巧矣蛾眉脩梅梁飛去鐵鎖斷往
往雷雨生靈湫軒轅緜神極秘恠海上笙鶴時相投平生閉
門讀史記子乃探穴先吾游明當挾子騎汗漫題詩更在最
上頭不妨山水樂吾樂豈有飢溺憂民憂故家喬木尚可求

有子有孫百世留卧橫玉簫沈歸舟江南

時中兄示余畫一軸畫一老翁推獨輪小車上

巨甕意其為警世之為因為賦詩

小人無它獨嗜利兩甕載車將遠致肩頰足趺汗潸然冉冉
脩程胡不畏世人但笑愚翁愚甕破即與瓦礫俱不知人有
千金軀前行險道方乘車

祖生詩

揭曼碩

浦城孝子身姓祖自憐性命如糞土生才五歲遭亂離有母
更被官軍虜零丁二十八春秋母縱得生何處求天地茫茫
明月恨江山漠漠白雲愁忽得母書驚母在看書未盡淚先
流書云流落河南縣河南踰遍無由見唐州境上忽相逢白
髮蕭蕭霜滿面誰知喜極情轉悲旁人更問初別時下生萬

死到今日始爲母子東南歸東南迢遞關山路入門猶記階
前樹居人傳說盡相看鷄黍提携竟朝暮祖生母子真可憐
少壯離別老大還同時鄉井被兵者幾入骨肉能生全願生
母子長壽考四海昇平永相保

夏五月武昌舟中觸目

兩鬢背立鳴雙櫓短蓑開合滄江雨青山如龍入雲去白髮
何人並沙語船頭放歌船尾和蓬上雨鳴蓬下坐推蓬不省
是何鄉但見雙雙白鷗過

題明皇出游圖應制

明皇八駿爭馳道還是開元是天寶長安花發萬年枝不識
年華醉中老奎章閣下文書靜素衣高拱唐虞聖莫言此畫
徒爾爲千載君王作金鏡

夜宴友人席上有懷志能照磨暮春會同年所作

因寄

黃子肅

青山林下啼班鳩綠楊門前嘶紫騮落花成陣作春雨東風
淡淡雲悠悠美人捲簾日在手蝴蝶飛上珊瑚鈎南溪不見
筍成竹凝約滄波同倚樓

紀信嘆

周衡之

沛中龍奮砮礪雲咸陽楚燬三月焚兩雄角起鹿在野三戶
有楚無強秦貔貅百萬紛如雪戈矛盡染英雄血 曉敵
天河雲兵塵夜暗中原月滎陽數載戰不休重圍食盡漢亦
憂將軍詐帝出降楚脫帝虎口真良籌無何諸將已平楚事
定論功裂茅土獨無旌美到將軍不得褒名紀盟府男兒死
節志已酬瞑目地下夫何求吁嗟功怨俱悠悠漢庭雍齒還

封侯

子陵釣圖

東都熱官手可炙吳儂面似秋江色平生落拓一羊裘七葉
貂蟬不堪易功臣盡在雲臺中丹青化作灰塵空先生遺像
乃在此釣竿尚裊桐江風悠悠世事江雲白過眼輕帆自朝
夕人間萬古仰孤風天上有星猶是客

送君進周公

胡尊生

憶君初來湖水滿金鱗普水助春波煖江南早晚雪花飛
蒲帆下水送君歸霜風浙瀝湖光晚白魚粳米中流飯回頭
咫尺廬山雲一寸心長帆力短臨分乍覺過重關金螺移在
雙翠眉啞啞靈鳥啼樹枝家人夜夜卜蛛絲雪醅新釀都昌
酒欲來不來待君久人言遠歸勝新婚稚子牽衣婦携手窓
前紅燭宵彈碁新歡滿眼寧相思江南今歲梅開遲贈君無
花折空枝明年花開來不來

金莖承露

蓬萊仙人騎黃鶴來遺劉郎不死藥銀漏無聲秋夜深時見
星河頭上落精金糾錯蛟龍蟠未央闕角觚稜寒莫教仰見
盃中物直是他年雙淚痕桂房枿壁蕙蘭若留得新愁向雲
表猶逐官車出漢闕茂陵蕭蕭濕青草

燒筍賦

陸文奎

先生朝盤厭首筍筍味得全差勝肉蒼頭掃地犀角出赤醃
燒空龍尾禿土膏漸渴外欲枯火灰微濕中已熟撥灰可惜
衣殘錦解籜猶憐膚濯玉青青無分長兒孫草草為人供口
腹李家丞相蒸葫蘆石家美人煮豆粥去毛留項有何好搗

匪作糞空自速不如野人工食淡自辦行厨入脩竹句裏曾
叅玉版師胸中會着曾當谷主人不問不須真昨夜西風響
林屋

姑蘇臺

李坦之

吳王宴罷蘇臺晚斜日清江映蘭檻臺上西施醉捧心江邊
東越愁嘗膽鴟夷畏尸去不還麋鹿散迹遊其間秋深月明
照高樹驚鳥啼落丹楓寒功名獨羨陶朱子一葉扁舟弄雲
水

過嘉興

陸天錫

各部刺應門
人關憲知事

三山雲海幾千里十幅蒲帆掛秋水吳中過客莫思家江南
畫船如屋裏蘆芽短短穿碧沙船頭鯉魚吹浪花吳姬盪棹
入湖去細雨小寒生綠紗我歌水調無人續江上月綠波紫

竹春風一曲鷓鴣聲花落鶯啼滿城綠

題蘇武李陵泣別圖

歐陽伯恭

祈道山前箭如雨渤海海邊羝不乳同是肝腸十九年白髮
君臣故主臣心有血一斗許亦欲隨君歸鼙鼓五千健兒
五千母臣若獨歸魂魄苦空將老淚寄君歸歸拜茂陵墳上
土

為趙敬升賦漢海獸蒲桃鏡

陳衆仲

尚方老冶收精銅金膏玉髓開腫膿未央曉月低青桐六宮
秋井生芙蓉當塗妖鬼負神器銅人登車數行淚空奩偶落
長安市來與人間照珠翠凝陰空祭江心龍海雨夜入閩王
宮一朝愁殺滌上翁破屋日夜穿晴虹西苑野露堪作酒中
有駒駘活欲走趙侯得之莫失手龍女蛟童候之久

蓋鄭夾滌
家故物也

題白玉蟾贈劉丹晨暑月詩後

玉蟾先生列仙儒夙昔夢見冰雪如丹晨不比劉師復亦明
本解人間書紫清午榻松陰冷俯視塵寰真火井銀河夜靜
淡明月水風吹落玄雲影玄雲盤屈龍虎章百神守之不敢
將

題陳孝子傳後

張仲舉名肅號蛻庵晉
寧人翰林承旨

百丈山前妾辭主禮賢鎮中子逢母三十年餘一日同白髮
相看淚如雨阿彌去時未斷乳兒壯得知心獨苦清湖老嫗
天所留逆旅主人神使語歸來桑竹溪之澣婦前持觴孫起
舞雙瓜生祥表秋圃豈待旌書動官府吳人買妾紛莫數歲
滿母歸遺子女巷南巷北不相覓况復山川兩脩阻嗚呼千
秋復萬古孝子之名在寰宇世上滔滔忘母人不愧唐呂

托土

息齋竹石古木為會稽韓李博士題

老竹葉稀多秃枝新竹碧潤含幽姿擇中龍子振春勢突出
雷雨頭參差傍蹲恠石石罅裂々處恍惚疑龍穴山中有樹
皆十圍活榦撐青死槎折霜皮食盡乾辭文半頂斬立雙極
分最後一株身出群垂枝倒走陰崖雲李侯標致不可得小
字親題別塗黑縱橫不在摩詰下蕭爽直與洋州敵玉堂學
士欣見之濃墨大書真崛竒森然一片鐵石筆妙甚七字瓊
瑰詞此詩此畫今兩絕把玩微風動毛髮只應真宰泣瑀鏤
一夜山窓冷秋月

大星

李季和

大星在天小星落城頭嗚嗚吹畫角津吏擊鼓河上船行人

草草居人憐男兒墮地孤矢願南北東西君莫怨

茅山謠

道人兩髯青如蓮大醉上山捫青天青天蕩々玉盤出引手
舉盤天上懸銀河傾倒桂樹影長風吹香落丹井地上小兒
沾玉馥白兔急搗玄霜孰惜々仙家十二樓夜半起拂殿烏
浴手招茅君叫列仙帶劍上立紅雲前茅君騎虎上天去道
人乞我明霞篇

十臺懷古

吳師道

姑蘇

百花洲上姑蘇臺吳王宴時花正開半空畫燭西子醉三更
鉄甲東門來吳波渺々吳山簇不見嬌頻倚蘭曲丹楓落月
怨啼烏碧草東風走驚鹿闔丘墓相連處應恨夫差迷不
悟斷指千年血未乾遊魂夜哭臺前路

章華

靈王傾國崇臺宇按劍章華睨中土弁裳伏地走諸侯鍾鼓
凌空震二楚騁驕不畏伍子謀落成乞與吳兵遊孤舟竟走
江上路塊土獨占山中愁十年伯氣終蕭索回華音容歸不
得飢魂漂泊啼秋煙細腰却舞新王前

朝陽

神娥縹緲高唐上楚宮樓閣森相向丹楓蒼桂涌孤闕白石
清江簇連嶂行雲冥々飛雨寒孤猿咽上秋花間翠鈿龍駕
杳何處斷魂殘夢愁空山微臣宋玉誇能賦當日襄王豈真
遇千古秋風恨未平高泉飛落三巴怒

黃金

昭王銳志移青社，築土懸金奉賢者。四方劍佩集強燕，千里
風塵馳駿馬。郭君自舉先群豪，樂生獨步超凡曹。醉恩一雪
伯國耻，建功並倚雲天高。君臣意氣千年少，落日荒涼沒秋
草。黃金買貴滿長安，惆悵英雄布衣老。

戲馬

項王數馬從東來，意氣蹴踏全秦摧。入關不並沛公轡，還鄉
却上彭城臺。重瞳按劍風雲靡，萬足騰空煙霧起。淒涼垓下
泣，名騅零落江邊餘。數騎寄奴千載心，爭雄登高把酒臨秋
風。詐移晉鼎非男子，君看百戰東城死。

歌風

沛宮置酒君王歸，酒酣思深風雲飛。兒女環臺和擊筑，父老
滿座同沾衣。一歌豐沛白日動，再歌淮楚長波涌。龍鬣氣梯
半空寒，虎士心馳四方勇。河山蕭瑟長陵荒野中，怒響猶飛
揚。高臺未傾風未息，故鄉之情那有極。

望思

桐人氣迫前星黯，思子宮成翠華晚。高臺有恨碧草新，大野
無蹤金犢遠。一朝弄兵兒罪輕，百金鍾愛天倫深。戾園魂魄
夜寐寐，湖城風雨秋陰陰。漢宮樓觀連天起，方士秉香召仙
鬼。望思望思終不歸，茂陵老淚如傾水。

銅雀

半空高棟翔金雀，玉宸總帷塵漠漠。西陵老樹暝色寒，長安
殘妓春情薄。曲終紅袖辭尊前，蒼翎斷翮飛人間。分香老淚
恨不滅，秋風吹入苔花斑。漢家一片當時土，肯為奸雄載歌
舞。銷盡曹瞞萬古魂，落日漳河咽寒雨。

鳳凰

金陵王氣飛祥雲鳳凰臺上聲和鳴鳳來春日花宴真鳳去
秋風荒草生嬌娥舞散高臺暮青山迥隔丹丘路斜陽門巷
語烏衣細雨汀洲飛白鷺江空天濶鳳影遙謫仙吟斷誰能
招六朝宮闕煙蕭蕭月明夜半人吹簫

凌歊

宋家天子遊南國紅粉三千臺百尺歌鍾激浪楚日白簾櫳
綠樹湘雲碧凌歊高宴金輿來侍臣狎笑朱顏開臺城宮扉
鎖花柳寄奴玉障生塵埃昏昏醉夢春風几不顧江東數千
里酒罷歌闌帝業銷青山空映當塗水

岳王墓

韓中村

妖星墮地芒角赤龍劍悲吼風蕭瑟中原王氣挽不回將軍
一死鴻毛擲秦家小兒真戲劇播弄造化搖擺極指世言為親
忠為逆隻手上遮天眼力九關茫茫隔天日無由下燭臣愚
直臣愚萬死不足惜國耻未澆猶憤激古墳埋冤血空碧風
雨年主花蝕我恐精忠埋不得白日英魂土中泣請將表骨
斲出荒苔痕獻作吾皇補天石

征婦歎

虎頭將軍眼如雷領兵夜渡黃河面良人腰懸大羽箭遼東
掠地遼西戰二紙紅箋寄春怨十年消息無歸便日長花柳
暗庭院斜倚粧樓倦針線心憶良人嗔不見手擲金彈打雙
燕無術平戎報明主恨身不是奇男子倘妾當年未嫁夫請
學明妃獻西虜

題赤壁圖

王在中

名贊奉元人
河東僉憲

我昔南游過赤壁曾上磯頭訪遺跡吳魏勝負了無聞一曲
漁歌楚天碧黃鶴向遷客蛾眉翁道同北海人中龍羈懷得酒
逸興發扁舟夜泛空明中江山如許誰賓主醉挾飛仙夢中
語直將天地等浮漚三國周郎曾比數神游八極空畫圖開
卷彷彿瞻眉須清風千古凜如在悠悠目斷江雲孤

讀文山集

林德陽

黑風夜撼天柱折萬里飛塵九溟竭誰欲扶之兩腕絕英淚
浪浪滿襟血龍庭戈鋌爛如雪孤臣生死早已決綱常萬古
懸日月百年身世輕一髮苦寒尚握蘇武節垂盡猶存臬卿
舌膝不可下頭可截白日照吾忠切哀鴻上訴天欲裂一
編千載虹光發書生倚劍歌激烈萬壑松聲助幽咽世間淚
洒兒女別大丈夫心一寸鐵

題顏輝山水

貢泰甫

名人浙江參政

蒼龍渡海成疊壘岩前西來勢何壯盪摩日月嘯雲煙回瀟
風霆起波浪懸流晝夜相春樵恍惚銀河落天上橋橫霞嶺
頽天台谷隱龍湫疑鷹蕩若非華蓋及武夷無乃仙都與秦
望參差飛觀倚半空錯落長松高百丈煙懸絕磴畏崎嶇路
出平川喜夷曠野老朝耕屋角雲漁翁晚釣籬根漲偶隨鶴
舞抱瑤琴猶恐猿啼驚意悵畫師盤薄精天機元氣淋漓歸
意匠毫芒點滌遠近間只尺卷舒千萬狀三年老我東海隅
立馬看山每惆悵麻姑敬亭曾見招何日相從脫鹿鞅

送周草窗尊師歸廬山太平宮

成廷珪

匡廬之山仙所居銀河倒蘸青芙蓉三千里路昔一往十八
社文今何如向來庄君結廬處至今海月懸高樹水流花落

春復春洞府蒼茫隱烟霧西風蕭蕭吹短衣賞樂脩琴不歸
去潯陽潮落海欲枯幾時再得麻姑書桂風不跨林下虎回
仙肯歸盤中魚幸留神物守丹鼎喜近弟子迎飈車世間信
有揚州鶴看汝乘之上寒廓晴窓須理白雪弦爽氣仍開紫
霞閣袖中寶劍且藏鋒彭蠡小龍方睡着

和張孟載春愁詩韻錄寄揚鐵崖

小窓病酒厭厭卧春色三分二分過仙人漫織藕絲長金銅
難補菱花破花間黃蝶也雙飛葉底青梅才一箇綵筆題詩
人未歸愁腸一似車輪大

湘江秋遠圖

蒼梧愁雲拂烟水日暮無風波自起何人吹簫作鳳凰被髮
臨江迎帝子黃陵女兒情更多却掩冰絲淚如洗千年清恨
人不知坐對空山疑夢裏

獺皮褥

陳古春

賴侯失國毛嫵老蓮葉裳衣爲誰好曲阿湖上來菱舟濺血
淪精哭秋媪祭魚求謝孤蒲春去作香魂薦寢相綠雲四面
裁如意毳影當中吹暖塵玉指象林即歲晚絕勝會死龜茲
板闢道驚鱗膽尚寒莫教展放芙蓉館流酥帳裏佳人語卷
却龍須偏愛汝夢中若更說離騷腸斷糜蕪楚天雨

古釵歎

吳維申

名嵩廬
陵人

何年美人寶釵失深井沈泥污玃璫一朝拾得再揩磨三回
五回看歎息雙鬢已成兩股勾終然汚色難爲新當時光瑩
照頭上有似桃李搖青春今人不識古儀狀寶釵雖好非時
樣爲君插罷擁髻悲物無貴賤皆隨時

送文仲德之臨洮帥府經歷程以文名文

吾聞洮州綠石堪為硯能淬筆鋒如淬劍地靈大寶愁鬼工
埋沒塵沙羞自獻羞童目悍手足鮮掛弓走馬唯臨邊維藩
令嚴烽燧息鼓角書靜旌旗懸幕宮姓文不好武要使西羌
化東魯詩書埋按夜生輝親寫封章上天府愛猶之鞞青兕
裘時平不願萬戶侯但得洮州綠石硯歸來洮筆立螭頭

題陳希夷像萬德躬

花項君王瓦棺葬紫家陵上西風緊殿前點檢不知名醉眼
摩挲睨周鼎白晝龍虎行天階紫微小星何僭哉先生大笑
出門云明日華山歸去來山色還如舊時好流水小橋散芳
草千載誰知驢背心芒矟雲深入孤鳥汴城峨峨汴水流江
南江北數百州秦玉未已晉王起人間萬歲更千秋

題楊妃春睡圖

楊廉夫

沉香亭前燕來後三郎鼓中放花柳西宮困人春最先華清
溶溶煖如酒雪肢欲透紅蔷薇錦襦卸盡流酥幃小蓮侍擁
扶不起翠被卷作梨雲飛蟠龍髻重未勝綰燕釵半落犀梳
偃晚漏壺中水聲遠簾外日斜花影轉琵琶未受宣喚促睡
重黎腰春正熟不知小棚思塞酥夢中化作銜花鹿

明皇春宮按樂圖

龍子高

字從雲号鈞
魚軒廬陵人

華清宮殿春沉沉宮門楊柳垂黃金玉環新度霓裳曲曲聲
酣動君王心融融汗體生春困芙蓉露白桃花嫩可憐飛燕
在朝陽李白文章有遺恨樹頭花煖鶯啼早滿院嬪妃捻合
咲門外千官進午朝三郎沉醉不知曉漁陽回首飄胡塵花
鈿委地徒沾巾嗚呼我今展圖似閱史有國有家當監此

明皇秋宮夜宴圖

金莖滴露秋滿衣玉樓商葉吟參差六宮沉沉度清樂月在
華清池上芙蓉枝虹橋錦步上龍尾十八宮娥舞相對玉環
吹笛背銀燈百歡媚得君王醉君王醉卧倚龍屏羯鼓嗷嘈
尚未停祿山含笑林甫喜但願君王醉不醒

葛推官平反

程文海

大梁秋官仁且明刑者復續死者生昔無一兒慰目前璫枝
玉樹今森然力田種苗苗或荒君家種德子滿堂子孫世世
不可忘

劉單州弃官赴兗台州之喪

一手有急一手赴左不良行右須駐人心取舍有重輕所以
劉侯如脫兔好官尚有兄則無死今不死孤不孤允思故人

今始見我欲書之寄董狐

緝熙殿御題紫薇花扇面壽卿中丞十一月二十五日

江南十里花茫茫紫薇盡對中書堂人工會得無窮意一枝
宛轉留芬芳緝熙殿裏日月長對畫落筆蛟龍翔花前未覺
風流遠扇底猶含雨露香烏府先生黃閣老高敞新齋坐霜
昊聊題此畫托千年從今永伴中書考

阿房宮

智力有窮天不老秦帝山河迹如掃參差忽落畫圖間白髮
朝臣驚欲倒咸陽初起阿房宮六籍已焚兵已鎔渭水函關
萬年固終南秦華五雲中復閣重樓鬱相望翠戶金鋪九天
上上容萬人常有餘下建大旗知幾丈霞霧翬霧翬天日迷山
童野耆民朕朕窮奢極麗猶未愜謂海可梁天可梯蓬萊何

處樓船遠上蔡東門歎黃犬六國樓臺春草長千門歌舞斜
陽轉游觀未畢化埃塵宮樹淒涼野鹿馴至今世上丹青手
留與千年作諫臣

贈弓秋蟾

滕玉霄

瓊花十里小樓紅醉吞牛斗眠長虹十年四海分萍蓬一笑
邂逅滕王洪床頭回首黃金空但覺耿耿盤心留問蟾何不
歸蟾宮自有老月留身中誰受一粒金丹紅學得紙上畫墨
龍白晝呼吸風雲從頃刻霧暗天濛濛妙處巧奪造化工不
復知有陳所翁君不見金陵壁上不點瞳點瞳霹靂驚江東
我欲煩君具毫楮畫一小龍回顧母普令天下生孝心不向
江湖長驗雨

望夫磯

劉時中

望夫山頭日欲頽望夫山下江聲哀山頭日日風雨惡江上
不見行人回空山亭亭幾朝暮猶記行人去時路知君渡河
長不歸恨不常年逐君去此身化石千仞磯石猶可懸心不
移長江水涸黃埃飛行人應有歸來時

過采石

聶古栢

采石江頭秋月白蛾眉亭下灘聲咽綉衣三斧曉霜寒同是
天涯苦行客酒仙一去海生塵青山五尺埋衣中清江白鳥
自今古岸草汀花秋復春我欲御風遊八表醉裏高情覓三
島閭闔雲深不可攀回首江南數峰小

送孟和卿平陽壽母

龍龔楚清

杜黑念母心最苦豈意一朝逢澤潞母驚兒貌似乃翁兒抱
母啼淚如雨五十孺慕朱壽昌刺血寫經毛髮蒼間闕同州

晚相見迎侍親闈歸故鄉人生百年一彈指母恩未報情曷
已團樂尊前舞綵衣大勝世間朱與紫子行萬里涉風沙誓
不見母不還家兒今髮蒼母應老道傍觀者還咨嗟臨川孟
氏號雍睦家世來此澶淵族婆娑老暮紫荆花料想春風依
舊綠

都城曉起和張漢杰

薛宗海

扶桑日射蓬萊頂下視瑤都森萬井金門未啓曙光寒月落
觚稜微有影枕上仕遊夢未回嗟嗟隣鷄爲呼醒知君曉約
穀城翁再擬銘功漢鍾鼎杏村天近易爲春莫厭西齋官獨
吟

東山有鳴臬僞鈔害良家故賦

傅謙則

金衣菊裳海頭鷗胡不啄此鳴臬目劍翎鈎爪鞬上鷹胡不

食山鷗臬肉東飛西飛正胡虜開口呀呀無飽足天何生此
不祥鳥白日妖呼鬼夜哭羽毛似可羨外飾腸膽豈知懷內
酷月明風淡霜氣寒三統高枝鷓鷯宿網綴腐尸固根本一
叫一鳴千百毒將軍只逐天邊鹿胡不挾彈滄江曲

題延月樓

許益之

嗆咳稅駕紅塵息玉鏡飛空天地白嬋娟先得何處多齊雲
暈著碧四百尺清光無私照寰海舉頭千里明長在主人欲擅
四時秋夜、掀簾爲延待人生見月幾圓缺今昔人殊同此
月人迷夢覺月晦明終古相磨寧暫歇倚闌清嘯酒莫遲銅
壺催曉輪易歇

酬潘明之

華亭谷深紫烟濕老鶴唳空眼垂碧功名千歲衣染墨遼陽

骨換今幾日華表時來語消息九臯胎化頂未丹海門雲吟
高飛難嘎然長鳴飲清湍何當天何吹羽翰方壺圓嶠同盤桓

遊龍回寺碧雲堂有何無適草書

蒼鱗作霖回壑裏竟化長岡飛不起何年老僧飛錫來強架
擔楹萬山底碧雲石梯如登天府視竹樹行其顛巖巒起伏
呈怪狀壯若群馬奔吾前網仙去不復返滿壁龍蛇驚醉
眼可憐一半委塗泥沈復陸危混苔蘚山翁摸榻妙入神永
和繭紙且逼真勸君勿辭一日力為我留為百世珍君不見
二王舊帖皆殘編至今不惜千金傳

馮公嶺

層巒疊嶂危相倚亂若飄風湧秋水寒松荒草間蒼黃照眼
嶠嶠三十里初如井底觀空虛一峯巍然中獨尊紫雲回百折
至絕頂俯視衆嶺來兎孫人言此山插霄漢馬不容鞭僕夫
嘆攀援何異蜀道難氣竭神疲背流汗孰視徐行路覺平心
寬意適步更輕志須預之自遠到世事豈得終無成我來正
值窮冬月倚秋巖前嚼松雪斗店煙生野飯香陽坡日近梅
花發寄語悠悠行路人乾坤設險君勿嘆胸中芥蒂未盡去
須信坦道多荆榛

題姑蘇臺

姑蘇城上姑蘇臺青山百里城眉開平郊如掌思清遠昔人
樂極曾生哀大讐未復敵不死壯志消磨侈心起會稽捷甲
功自多種蠡深謀誠未已不知佳冶能傾國暮朝醉春
色勳臣抉眼視東門越女還羞越人得只今興廢總成空唯

餘碧草搖淒風可憐千古臺前水不洗當年角東耻

贈滕玄一

玄珠恍惚生秋水善守谷神寧不死虛中抱一求諸已道不遠
人應在邇負笈擔簦空萬里先生年來髣已斑對客時復談
九還刀圭謂可回朱顏行勝纏之環塵闌神仙豈必居三山

湖水來

郝伯常

枯風怒遏長川回兩湖五月生黃埃水晶空碎洲渚出昆明
老火飛狂灰魚龍錯落半生死乾坤枯槁無雲雷海鯨怒扶
海眼破濤頭一箭湖水來新聲汨汨入黑壤寒虹矯收蒼
羶白鷗靜盡波不起澄清無瑕玉鑑開浮光四動青雲第倒
影半浸黃金臺何當乘興呼太白棹歌長入琉璃堆滿船明
月露華冷翠絳銀管飛瓊盃

宿鐵塔寺

西風蕭蕭暮烟濕滿袖青推乃亂山入枯雲黯慘忽蔽空未及
黃昏陡昏黑行々瞑投荒寺宿繫馬堦除劍懸壁中庭一塔
指膜色倔強生得半生澁蟄龍雷轟轉不能蟄怒尾呀天轉張
礫須臾飛雨過前山密洒白扉寒浙瀝黃塵萬事隨雨來壯
懷零落憂思集學成書劍兩無用竟作窮途奔走客短衣著
憂逐秋蓬誰信胸中有長策孤燈照夜耿不眠紫焰憧々動
輕碧寤言欲問復無言抱膝長吟轉蕭索

題天冠山

元復初

仙翁昔住天冠山夜呵鬼神衛爐丹成飛去杳不還藥池
丹井猶山間翩翩與子鳴佩環華振巨麗青雲端思玄尋躅
果安訪鶴歸月落前溪灣

題劉村之家子昂書映雪軒扁 卜友曾

夫吳移月成瓊屑洒向人間沃春熟東風刮地清苔蘭門外
好山青不得白雲着雨飛難起曉來化作湘江水湘水娟娟
照美人對此心開幾千里臨池落筆幽思多白鬚道士來相
過日斜寫得黃庭去錦籠却送山陰鵝山陰春盡美人老茂
陵劉郎拾瑤草瑤草年年吹古香至今殘雪明松表

明皇合樂圖

杜仲高

天風吹來羽衣曲 譜君王新意續後宮 紫雲飛揚梨園
四部羅仙媚虬髯天子坐胡床飛燕歛衽隨君王鼓瑟彈箏
間吹簧琵琶意慘塵沙黃龍吟雜品單于調象版促鼓搗漁
陽三郎回笑眎玉環只有天上無人間弄臣番綽敢稱贊請
祝君王萬歲歡堪笑虞庭大岑寂只有一花雙龍符石

送仇仁父分教溧陽兼寄張仲寶 袁德平

往讀大曆才子詩常恨諸人不公卿當時將相漫豪舉誰如
千年麗句留佳名破帽飢吟孟貞曜一尉辛勤晚初調至今
山水餘妖妍尚有當年賦詩料廣文清絕非警曹况君意氣
凌雲高鬢官寬閑於佩集底用如彼彫鏤勞丹陽湖西足烟
樹想像昭關遁逃路六朝舊迹徧蒿萊盡是諸賢醉遊處人
生自古并合難詩人今日盟未寒聯珠粲比百里聚會見卜
史昂頭看西秦公子眸烟 陽羨三年官舍冷憑君為我致
相思行矣追尋嘯烟艇

送祝丹陽祠武當

陳茂卿

武當之山上參天上有天帝居其顛陰陽蔽虧歲月草樹
蒼蔚含靈煙六丁開山巖翠翠萬神扶棟飛脩椽金門耽々

守龍虎玉佩纒，羅神仙人間塵俗不易到。我常夢寐思攀緣，嗟軍此行非偶然。冷風吹至虛皇前，手持御香謁帝呀口。漱瓊液，哦靈篇，蒼龜巨蛇出神怪，朱鳳白鶴相後先。帝命青童授珥訣，谷神不死真玄玄。却被羽服謝仙友，笑視浮世三千年。

送吳子敬赴釣臺書院山長

劉聲之

我航浙江三四五，每過雙臺淚如雨。三公不作歸釣磯，時人血面爭絲縷。危石栖霞禽野語，蒼林古瓦瞻祠宇。同舟名利急須更，我往拜之剛不與。擇兮擇兮風吹汝，天星易搖斥勿舉。千載羊裘有幾時，人言黃犬皮當補。諸公奕々誰賓主，名教有功聯學俎。世果相逢建武初，短蓑獨速漁樵侶。喜君沉飲資好古，初分謔席良得所。獲聲絕少沉馬嘶，早筍晚菘聊復煮。莫伐木，聽腰斧，水色山光更媚妩。當年餌下有殘鱗，珠化作驪龍吐。百里時歸綵衣舞，猶載行書慰鳴鳩。一勤贈子莫多言，買菜有譏君記取。

獨駁圖

毛靜可

連天首宿青茫，鹽車鼓車紛道傍。肉駿汗血不可常，權奇倜儻晦若藏。五之六之無留良，如此獨步何堂堂。日三品豆慎所嘗，天閑逸氣誰能量。一尺之筆五尺韁，了與纏絡俱相忘。大僕御直儼冠裳，庭前榻上婉清揚。有詔有詔且勿忙，一洗凡馬鑿鑿。我觀此圖筆意長，欲言尚寄田子方。

贈督師曹將軍

泰階煌々色已齊，祥飈為掃蚩尤旗。幅負浩蕩春臺熙，不遣桴鼓驚鉏犁。羽林宿衛環三陲，居安却慮忘戰危。整暇自許

忘其機司馬八法律以規蒐苗獮狩凜弗違碧油有幢嚴軍
師手持虎節談魚鼈闕不以山與溪歌舞七德宣皇威有
來視師省檄飛將軍名已草木知干戈俎豆睢陽時已分勾
當江南歸汭芳奕葉今孫枝此行且賦從軍詩時清未用歌
乘薇天子有道守四夷

讀三孔先生清江集

黃晉卿

元祐儒臣布星斗後有作者非其偶二龍三鳳殊續紛况乃
淵源魯中叟適從塵編識英爽想見世澤餘忠厚長公平生
二三策大廷披腹驚群后風流班仲與季茅茨彩椽絕丹
黝獨尋古昔寓陽秋稍挾疵瘕到瓊玖却盤餘力歸賦詠古
復清圓無不有爰初人文啓河洛下逮百氏分五牖空言可
匪末藝巨筆待援須好手典刑未墜乃至今吾生已幸何

云後青燈照夜雨如綫輿論微辭煩擊剖追摹止復慙捧心
贊美胡能付鉗口從遊起死不敢期倘挹殘膏注空朽

題錢舜舉畫漁翁牽罾圖

顧淵伯

若溪道人溪上居一生只慣觀打魚吾兒打魚當耕織意匠
別出絲綸餘緯葭縛竹直水口承以密罟防其逋卒然一掣
勢莫御紫鱗躍出金夫渠蓬窗草戶色々具茶瓶酒碗尋常
俱船頭青山立突兀船後綠樹搖扶踈人間名利不可汚烟
水為席天為廬西塞山前晚風急醉踏船舷浪花入漁翁心
事道人知日暮來看倚筇立迴頭却捉秋兔毫寫入生綃半
猶濕令人展卷心茫然辛苦徵官悔何及吳松江上鱸魚肥
秋風落葉滿漁磯何不買舟迳東歸何不買舟迳東歸

建平道中遇雪

北風如弦雪如箭來射長途旅人面黑雲匝道天為愁四方
群峰白於練蕭條聚落木百家日莫故青烟起山縣荒林
葦少人行斷鷹殘鴉有時見憶昨年少輕遠游曾跨驂
畿甸只今潦倒困微官馬上低徊發哀怨丈夫事業未易
但恠沛光速飛電便須大飲敵清寒未用悲吟嘆羈賤

題文學館壁

王尚志

主家池館臨官道門對琅玕如海島弟子讀書編綠蒲詞人
琢句思芳草憶昨送客悲年華隔簾微雨東風斜春光滿眼
忽自醉墻西一樹櫻桃花

題淳化閣帖後

傅景文

君不見秦王一旅定兩京武功文德致太平晚年却愛
字收冷閣歸昭陵前朝淳化號極治典章文

書購求到筆帖秘府書靜聞登，銅駝翁仲兩荆棘况此爛
石何足憑當時已愧千載後影外之影聊相仍即今見此遂
希世古意雖遠猶典刑文章於道固小伎而况字畫紀姓名
癡兒傳觀競彷彿至有嘔血求其精殘編斷簡無足論此事
自關時廢興願君持此待善價他年不厭家雞腥

秋清羈思

趙春洲

笛聲孤起江城暮隔江山好青無數征帆一去知何處蕭
老却江頭樹，猶如此生慘悽秋風不管生別離

昔年

李仲公

昔年有語雙白頭棄我忽作齊梁遊雲鴻不來音信斷瑤鏡
塵昏秋髣亂君心一去如飄風妾心死與黃河東清霜昨夜
剪庭樹欲寄寒衣不知處

流民詩

邳徐二州皆凶災流民如雲過江來布衣慄，泥水破黑妻
騎驢兒在懷為余言之心膽摧剥掘榆皮蘆白芨至今一貫
一升米不去坐死何為哉

題環翠樓

辜德中

名中号
易凶

四山排闥翠如織螺髻春嬌簪不得光涵老瓦疑不流影落
晴簷寒欲滴道人夜半吹青藜路近雲霄星可摘塵消萬宇
無纖紅月浸四窗動疑碧眼中已覺培塿多笑拍闥干凌絕
壁

在原出谷圖

刻藤骨蛻冰霜疑澗松膏滴雲烟輕原深草枯秋
老春嬰，天倫至愛寓於物乃知蠢動俱全靈
宦學

故吾江湖夜雨書灯孤梅殘路遠驛使遠天高風急征鴻
疎摩挲此畫重三歎人不如鳥將何如

贈梅隱相士

番陽隱君心似鐵興托梅花共清絕香浮客袖寒飛霜影寫
吟窺清浸月素衣不染京洛塵寒驢長踏灞橋雪歲寒心事
誰能知強把窮通為人說空谷聲傳蒼玉碎姑射神人落瓊
佩劇談共喜吾味同他日相期調鼎鼎吾聞論相須從心術
問看花政在香影外憑君認取本來面香影俱無忽神會

送自怡萬戶膺太尉府參軍

陳元弼

名良臣
號滄洲

楊花吹蕪撲暝雲嫩鶯啼徹江南春鄞江水軟彩舟滑東風
趨上黃河津薇垣有客雲霄立飛下鸞章紫泥濕幕府風流
水泛蓮相門簪紱香凝戟西山柱笏賢參軍魚鴈時，寄好

音金門紫氣擁不住催上玉堂煙霧深

賞海棠 江叔載 名座

天孫裂錦舒雲霞五采散入滄海涯珊瑚擊碎瑤草死春風
吹作枝上花曉寒香霧潤紅玉午困晴日蒸丹砂盈半開
正堪賞明日爛熳驚繁葩

送魯道傳歸淮西省親 徐伯通 號雪崖

一行鴈天邊飛兩箇鴉烟裏啼北風吹雪不成雪故人
別我歸淮西青袍未美進士志綵衣且作嬰兒嬉鮫龍若使
困淚水世上車馬無輪蹄

答何尚文

矮蓬雨過春酣足啼鳥一聲煙樹綠美人贈我三疊詞曷異
琳琅振空谷扣舷得意時和之吳鉤碎擊寒玻璃濕雲昏霧

畫開豁湖光山色清無涯蘭橈小駐桃花浦安得瓊絲調玉

柱短歌聊效踏莎行說與東風寄將去

美人倦繡圖 劉愈珏 名珏

蘭風翠肉春晝溫美人惜春情緒昏繡牀半倚思斷魂玉纖
不動歌長門捲簾双燕遶梁語彩絲撩亂愁如縷巫山楚山
雲獨多回文織錦將奈何

送鄱陽高式齋之初庵書院山長 歐陽原功

至元天子垂衣裳四方英俊皆來翔集賢家學贊明治歸築
林居鄱水陽高君奕世事儒術奉檄升堂衿佩集芹泮風清
皇極尊年少功名從此立

和趙任齋葉栖碧喜雨韻 方永 號可

雷公擲斧擊衆醜天女舞鏡觀群容霍如補天色石墮銀河

下落香爐峰洪都夜泣流血蜃天目晝去垂髯龍神功變化
不可測吾欲舉酒慶老農

小姑山

徐則聞名履

小姑頽然整且秀不事粉鈿躬甲冑彭郎兀傲來自西突起
兩強誰問造大江滔如砥平兩面束之成建瓴比如壯士
不受黜白日奮作千雷霆我時經行值端午小市叢祠目親
覩廣張禍福口翻瀾妄挾神奸嚇商賈割羊刺豕酒如山紙
錢勃宰旋風飄當時小姑今點姥得酒索錢無赧顏

贈祝玉泉相士

空山流泉漱鳴玉雅韻泠泠轉深谷美人持此弄音微胸次
蕭然無點俗泉流出谷清復清鑑之洞見神與形蟹蝦瑣細
未省錄伺取神物游清泠清泠之淵有美璞為瓚為主在追

琢豈云美璞不自獻獨漉泥昏玉何見

題萊州贈郡李蘭英射虎圖

萊州使君甚英武曾為萊氓親射虎逸才之獸力可取手調
長弓心自許徐縱馬入荒榛闌斑咆哮來迫人投身虎口
在分寸旁莫助之俱損神撥馬橫奔如電掣霹靂應弦山亦
裂通身是膽不病怖卻睨如繩注醒血老生展卷猶駭然使
君笑請題詩篇我為使君當自愛力行善政民無害君不見
魯山之令元紫芝虎暴自除官不知

送醫學正陳復初歸安仁

漂母饋食哀王孫報與不報非所存一餐不得未必死藥餌
不時生死分我始識君方抱疾察我病原投藥石空囊羞澁
政懷慙藥裹千金君不惜愛君質朴無嬌情用心妙處如宋

清濡毫作傳猶未暇短韻寄情因送行

金陵作 劉明子 名煒號愚山

秦淮月照秦淮水繚繞宮城綠楊裏巷入烏衣落日愁庭空
玉樹西風起當今雨露澤九垓坐見車書同萬里鳳皇臺上
鳳皇來我欲持之獻天子

題畫馬圖 余正卿 名昌

天閑八駿那復識渥洼驥驥今無迹此圖誰畫不知名風駿
霧鬣垂楊陌奚官莫是五陵人並立沙頭煙草碧時平不出
玉門關華山千里春風閑

題沙縣丞山水圖 趙德元 名元善號拙齋

煙雲飛出霜毫端滄茫過眼迷山川川平山開越江闊斷岸
百尺波連天風高鴈背帶落日輕帆點破滄浪烟楓林疎處

見疊嶂寒岩瀉水清潺湲孤村落葉滿石徑柴扉日暮無人
閑騎驢人過斷橋去江南風景歸吟鞭我生長憶武陵路夢
隨流水尋桃源豈知開畫見此景恍惚便欲從此仙誰能寫
我入畫裏穩泛一葉秋江船

送劉明子歸省 周子震 名徽

尚志堂中綵衣舞樓外兩峰青映戶白雲萬里走京師來為
觀光歸為母母年七十雪垂肩客心一日如十年東華塵土
且未浣拂衣便問江東船金雞潭上老樵者三年供奉出無
馬人生金帶總虛名白頭堂上真堪詫

賦徐伯初環碧亭 馬子尚 名志仁號尚志齋

豨草往昔開二儀手扶積氣營一區運成三百六十五上下
一色青琉璃茫茫神禹憂浸稽䟽滌扶萊納咸池東漸西被

朔南暨二億三萬蒼波圍由來環碧有如許經天繞地孰與
齊更知環中應無窮直作天地萬物師高人勘破造化機築
室小憇溪之湄清晨俯流欲何為超然默契思指歸遠觀近
取應如斯至理不與尋文殊方員周折何足奇飛珠漱玉供
教嬉世無子期知音稀琴聲殆類吹笙等焉知逝者如斯夫

再賦聽香亭

葉景南

聽香亭畔春風起吹拆瓊花三兩菜烟稍留宿白雲飛橫渡
溪橋歸海嶼雪消南國新芳月照前村半江水五更霜重
玉容寒吟翁睡足茅屋底亦非梅非鼻非心復非
耳但見芳遍大虛唯影都近寢宇幽馨和凍墮琴床旖
旎肝腸苦骨胸必碎襟似直見襟懷洒落奇無比醉後頻
事也事也事也事也事也事也事也事也事也事也事也事也
斜澗沼中韶光浩蕩乾

表雌蝶雄蜂浪自狂山猿野鶴深相嘻畫角高坤興不孤王
蕭婉婉情難已霧鑰江南去路迷羅浮望斷知何許擬袪聲
迹絕間塵汲引深清為君洗

雪中見寄

六丁劍攬天池水倒瀉銀河灑寒雨舞空鱗甲動天風玉龍
飛下玻璃浦乾坤萬里混清光廣寒誰借脩月斧奇葩異卉
恣粘綴寧煩懶髓鱗膠補無朋懶棹子猷船何人肯扣袁安
戶不愁僵卧酒盃空石鼎烹茶試鸚鵡

辛丑歲軍亂後李元常賦詩傷感次其韻

亂後依前舊城郭青山不老秋雲薄人民皆非可奈何歲月
無情隨逝波短世功名何暇論相逢存沒驚相問夜寒兒女
泣牛衣紫鳳天吳顛倒披訪舊驚心生百感兩脚如麻春不

暖祇多幽滯哭酸風何人背面啼春紅

過李從道故居有感

數間古屋荒村道滿地蒼煙鎖芳草酒酣獨步憶當年幾逐
秋風訪詩老主翁去後寧復來戶外白雲人不掃青山依舊
事盡非斜日黃花為誰好

黃鶴樓

丁守中

半空金碧何代樓仙人鶴駕曾一遊雕檻看雲楚山曉珠簾
捲月湘江秋樓前雲月長無恙補賦崔詩角清壯西風忽動
庾公塵仙人仍歸九天上

贈玄漠鍊師

神仙中人毛外史方瞳深碧虬髯紫了知大道本無為况是
谷神元不死偶因救旱驅玄溟倒瀉銀漢如建瓴功成不居

拂衣去洞庭渺君山青

奉寄武昌南山白雲老人

故人家住南山下心與白雲共瀟洒芝草遙賡黃綺歌蓮花
近入宗雷社工江海避風塵白首歸來失所親青眼相看
如昔日只有南山與故人

紫芝山房

先翁胸中有丘壑預築園亭向山郭清宵忽紫芝生地靈
獻瑞直往城只今諸孫仍肯構風姿曠如一門朱紫
自此升始知吉夢為林始知吉夢為休徵下馬
陵

送鄭彥貞仲舒姪北游京師

吳立夫

鄭君系本自義門之首植表孝義敦祖孫九世類一日聚族

千指通晨昏酒食危匱口共餒衣裳施架身同溫家宜富饒
積粟布里或饑饉資養食殮大宗小宗寢以邀東眷而眷疇尋
源復除曷下省府今延譽靡問鄉閭言禮俗興衰頤不重風
聲勸慕猶茲存袖中懷文扣所部行矣望廟期軒轅燕然何
許水陸隔越驛喻月舟車奔郵驛邛山岱嶽竦蜀江邛瀆河
流渾榆關崇墉峙虎駁碣石漲海澆蛟龜北州塵沙濶萬里
天色氣象雄微垣昇平多年正黼宸郡國慶至所有跟五柱
長楊劍戟接控弦矢騎旌旗翻鴻鴈飛鳴羽未肅魚龍變化
光相燿世塗人事豈可測儒術政理須接援嗟予昔者忝後
浩翹足到今勞勞忽棄時一去欲迅奮病日劇歎行園所
竹林夕並秀幸氏花樹春仍繁已在此是惜不注

題錢舜舉張翥華侍女汲井圖

景陽宮中景陽井手出銀盤牽素綆
鉛華不御面生光寶帳垂綃花妬影
臨春結綺屹層空
蚌月瓊枝狎客同
鴛鴦戲水池塘雨蛺蝶尋香
殿閣風日高歡宴
驕若訴床脚表章昏不寤
吳兒白袍戰鼓死洛土青蓋降船渡
井泥無波井攔缺半點胭脂汗
緋雪蕙心蘭質吹作塵目斷寒江鎖江鐵

玩珠伎

枕珠聞目宮掖來長竿寶腕手中迴
日光正高竿影直風力旋空珠勢側
當時想像鼻生蕊宛轉向額栽芙蓉
筋頭交筋忽神駭矛葉舞矛憂技窮
昔人因戲存戒懼後人忘戒但戲豫
漢朝索撞險還愁晉世杯拌危不寤
徘徊徘徊奪目睛歌歌傾傾獻玉瓊
滑涎器從龍堂出輝燿命與鬼骨爭
君不見

王家大娘材藝絕勤政樓前戴竿折市人謹咲便喧城驚動
金吾白挺聲

宋度宗御書福王慶壽宮扇

漢家諸侯奉大統會稽故邸王封重歲周甲子壽筵開賓客
滿堂宮扇來掖庭嬪御侍圖史聖筆逡巡鸞鳳似清風外撲
龍昇花明月中涵鏡湖水西國為家日已微禮官考禮是邪
非殿前君臣朝王笏後宮公子曳珠衣火德盛時尚有扇金
商振慶無兵戰兵頭老鐵心一降雲扇底生綃沾淚霰自從一
莖息婦原恨身不見孝崇函越州司戶肩滕雪舊篔簹淒涼那
忍說

盜殺亞父塚

楚王昔尊楚亞父楚人念殺亞父墓南山巖盤石下懸棺寶氣
燭天知劍處當年奉劍重腫光左右膝走諸侯王劍鋒掃秦
柄奪漢梁楚關作馳兵場起撞玉斗咲豎子戰肉烏為骨虜
蟻烏江得死不得葬情勝免腸終不死東陵老盜曾膾肝丞
相摸金仍置官人儒揮椎小儒唱奇寶拔窆蛟龍寒君不見
秦皇一死驪山改亞父猶能數千載我今豈識亞父誰見鴈
秋風散銀海

歲晚懷戴子壽就寄翁君校

東南大海吹長波亂山幾疊堆嵯峨我所思兮欲如何戴子
謂我不我過四明學官列象犧書則稽古詩倚那六經聖髓
工漸摩倉頡字林考隸科青燈掛壁豈有他黃蘗苦澁餘醜
醜平湖沆瀣足芟荷目力可及發詠歌慈溪先生雙鬢皓小
出乃為禮所羅曲臺淹中却不頗孺齊道真得者多先生昔

曾舉漢科我亦同往超江河仰窺天門光可刺豁然叱落千丈坡就中乖龍卧為梭掀雲噴霄輸蛟鼉呂梁懸水無盤渦況有遽數蟹與羸彼共貧女凝秋蛾地窄袖短空傴僂却鐘毀釜不必和靈談鬼嘯衆所呵北行何有塵沒靴南歸詎可夢駱駝一朝竟撤碼碯珂獨立番今衣薜蘿芝食竹飲皆沉痾十載未復仍委蛇先生一再來揮戈坐將挾箸嘗其膳大松偃蹇徒高歌小草樂育尚善我清廟梁柱可聖磨萬世學術從丘軻文風自振祛煩苛士論况辨佗與番分正句讀嗟吾訛丘園歲暮猶婆娑明當沐髮陽之阿從公共飽天山禾更不去理墻頭莎

寄陳生

落日未落山崦，我所思兮抗嶄巖豈其徒行固不可亦有

健馬可着銜胡然獨處不我即坐以魯史攻訖誦更疑弄筆設古帖先漢廢碣求鐫刻於茲孰不我傾倒但或嗜好殊酸醜結交似子乃有得肯使繫屬非存終今年一出本浪戰滿地插棘疇能監鹿盧大劍區冶鑄靈鬼夜泣較龍函早是鉛銛不我辨彎弧底用窺熒穰縱尔奇文聚怪鷄政如絕力鞭神臧邯鄲道上尚故步我要我練空餘櫟母寧容刀與墨水枉使衆仁相為譏秋風吹江晚正急薄暮徑去懸蒲帆自期共作制勝策酷類田父收盧穰杏花一色直不遠繡線巧感行春衫黃精苗枯不足惜白木敢負吾長鑱差哉函莽又滅裂但有美稗無人艾待教將投乃壺哨猶恐未陳即鼓僂參乎賜也必貫一曰啖曰陸俱通凡尋常可力自不力不畏天顯兼民品子來不來我亦別深裏深處多松楸臨菴草草遽

報我愁思滿臆何蕭絨

二月六日雨書都城舊事

燕南趙北吹黃塵九天宮闕生紫雲十二門開衢路直畫輪
駘馬多行客歲寒殿外柳絕青金水河邊水尚白鷄人傳漏
放曉朝文石分班押百僚南陽近親最舞蹈京兆耆舊爭歌
謠教坊供奉飾玉女鐘能鐘聲鼓能鼓錦來西蜀被玄駝肉
出太官殮猛虎初日扶桑稍照人內筵錫燕杏花春沐犢驛
牲泰時祀纓馬旗翠蓋驪山巡東風萬里飄寒雨我昔所聞今
不覩快然呼酒擊酒壺茂陵徐生曾上書

題唐明王卧吹玉簫圖

張惟中

象牀筠簟相紋綠珊瑚作枕紅於玉君王卧弄紫纓蕭黎園
又是新翻曲春風度腔一拍戎湯花如雪

商聲續吹得中原蔓草生

題隋煬帝夢陳後主圖

行人唾點燕脂并荒宴燕城猶不醒龍舟張錦炫晴波堤柳
紫絲弄春影游魂未化還笑渠兩主興亡一夢餘後庭花謝
螢光冷千古寧無鑑覆車

題蘇武牧羊圖

胡天雪滿家何許地樹根死抵不乳蕭蕭漢節慘悲風獨立
乾坤竟誰語有時飛夢繞函關五色龍樓霄漢間星殞旄頭
即銷恨丈夫何意望生還

題天台瀑布圖

南山嵯峨倚空碧一道飛泉破山色何人剪却織女機下垂
素練三千尺烏藤拄向清風前六月噴洒生薄寒天台有此

亦竒觀何須再往廬山看

梅雪山房

山人種梅花繞屋飛雪如花亂人目徘徊四顧色相輝東崦
西林失寒綠山人如在白雲鄉牕几娟娟流素光巡簷欲覓
花無跡對酒還疑雪有香天工應把玉為屑散落人間作花
雪隨風偶入山人杯寄我新詩倍清絕江路何人吹玉簫平
沙月色皆銀濤相思我亦清興發拄杖敲門何憚遙山人迎
笑歌綠萼和以幽蘭共磅礴浮世黃埃不可居醉卧南牕夢
飛鶴

送王彥貞余伯能張益齋三君子之京

二月鳧磯動春水一夜新雷群鷲起洗天甘雨自西來萬里
江山圖畫裏王郎見之雙眼明仗劍便欲金陵行占民

河漢滂筆端歛吸風雲生余君年少青雲客心與王郎為
逆空囊俯視無一錢胸中獨有天人策兩人相邀張隱君隱
君老氣尤輪囷坐聽鷄鳴不待旦即向鳧磯同問津問津直
上金陵去石頭城高如虎踞烟花紫禁奏雲門日月龍旗拂
珠樹榻前左右皆夔龍萬國此時來會同天閑得此渥洼種
凡馬不敢嘶長風我欲相從愧無用飛夢秦淮遠相送有待
諸公致太平山林試撰河清頌

觀打魚

寒潭白魚不盈尺漁人聚網相追急水清無處着微身下有
長江湖不入君不見東海之中千里鯤怒來掉尾海為奔西
遊弱水天吳泣北上龍門白晝昏

和蘇與參中酒韻

林彥華

樓子文章紹班固酒聖頻中不論數長吟杜子八仙歌朗誦
坡仙老饕餮賦尔來夢渴飲東海鱗介蒼皇競悲訴月庭壘汗
不足誇大笑妖妃吸花露奮鬚箕踞差可喜意適何妨二豪
怒便當舉手招謫仙直跨長鯨繞雲霧我生幸作太平客鼓
腹而嬉日含哺有時快意逃麴生魚腹騷鬼每相妬君不見
銅鑿小兒唱山簡花下歸來不知暮誓將共老無功鄉誰能
獨泣揚朱路

姑蘇臺

會稽鳥豕志不小仰瞻夜眠水在抱忠魂曉散屬鏤鋒泰伯
遺墟欲為沼苧羅尤物妖且妬歌雲舞舞生翻飛仙歡娛未央
白日晚幽懷已落陶朱船臺傾死廢春草綠不見栖鳥見

歌風臺

芒碭雲起高崔嵬閔東噫氣聲如雷睢陽拔水真細事天遣
吹暖秦坑灰沛中小兒強解事擊筑高歌攬鄉思周南正始
風化行可惜歌中無此意霸心之存良可知五葉變作秋風
辭

黃金臺

甘棠舊業寒於灰燕平忿起招雄才千金不惜購馬首斯須
遠致龍之媒時來按劍雲前耻七十齊城一朝圯如何繼志
感巧言坐使望諸成沒齒抵蛙之金亦奉軻傷心易水空寒
歌

陽雲臺

秦蠶欲食蠶蠶國天遣湘纍葬魚腹靈脩不復入脩門夢罷

高堂夢函公侍臣秉筆賦聚麀神娥千載空包羞峽雲冥冥
山鬼哭汀樹鵲江猿愁孤臺縹緲瞿塘路多少行人望朝
暮

望思臺

春宮桐木埋禍本鶴駕無言蘊孤憤震雷東起馳殺聲湖上
前星已先霄茂陵劉郎真少思眇視骨肉猶織塵諫臣赤族
竟何補望思日暮空傷神天人相勝一反覆神光已照長安
獄

戲馬臺

白蛇夜斷飛赤龍長驅疾走平關中鴻門玉碎亞父死彭城
霸氣隨飄風沐猴馭馬方成戰調伏群鴛弃天驥一騅豈解
遍九州事去空歌時不利宋公不復登此丘弔古有客悲黃

樓

章華臺

章華臺高逼南斗七澤三江在窓牖宮女爭迴舞雪腰郢人
巧運成風手子圍霸業良可羞詬天暮國仇諸侯一弓不忍
賜弱魯九鼎尚欲求宗周羈魂不返乾溪路臺上春深走狐
兔

銅雀臺

黃星麗天日西匿坐見魏臺高百尺當時勝槩孰品題尚想
諸郎有曹植藏嬌貯麗娛奸雄二喬不鎖羞春風十年累土
化榛棘片瓦尚奪陶泓功分香淚盡繁華去歌聲不到西陵
樹

題秋江晚渡圖

揭希章

奈榆栳楓樗村古臺半隱溪林根短橋細路入幽迳斷無人屋誰鄉扮遠山微雲出木杪白沙丹葉隨洲痕岸莎時方蘸淨潦天霜氣欲浮黃昏一舟橫衝破秋色中有坐止知奚云應言去早失歸晚夕陽下擲潛無曛巾衣各振離舸散到家定未閉柴門吳越小景重摸索江湘雅致費討論豈無片壑可與共漁樵逸樂同雞豚彼翁欣還倚杖屨誰能無酒妻兒溫我生只為書僭誤披卷坐對真銷魂黃金郿塢不若此浣花詩屋翻能存還君圖卷百感歎武陵溪上難尋源不能忘者舊山麓春月起處思聞猿

題石經

龔子敬

洛溢河清世之季鉤黨諸賢死無避橋門冠帶此何時詔為群經正文字議郎將工隸書觀者紛紛門外車似憂方策重煨燼且可鐫模辨魯魚南臺四部存幾磧誰見世間完六籍漢儒紛々撥拾力到今不是糊塗客

珊瑚

彭元亮

珊瑚生樹碧海底安得騎鯨斫大枝獨下崑崙倚風露瓊花吹落酒醒時萬山雲盡水百折中夜月高天四垂不信此心如雪白漢江同去照漣漪

見梅懷方山房

何夢桂

玉堂佳人中瓊英月下乍見心眼明香心野雪壓不死幽韻天風吹更清玉龍聲高夜漏下綠衣舞短天鷄鳴歲寒相見苦易別安得白頭數弟兄

送李鶴田入浙赴趙春谷招

劉會孟

天下南北車書通行人點々過汴宮空餘良岳一拳土黯淡

如雪吹不融平乘樓上王夷甫一望中原淚如雨西風羽扇
不障塵更自蓮子移根去政事堂中三相公往々退食為夔
龍少年慟哭不見用一語不合面發紅八年流落無死所合
眼當朝遽如許忠魂不到海門潮別殿芙蓉廢為圃茫茫古
路日平西不信金銅不淚垂浮沉親故懶復問白髮唯有春
風知李侯骨肉堪流涕同谷哀吟越州弟買絲刻繡刻未成
公子翩々鴻書至飄然起望白雲間裘雪銀山度赤山年餘
七十會幾見我且欲往窮當還平生高李經行處寂寞斷橋
飄亂絮不知到日似枯魚淚入黃河別魴鱖當時殿閣密雲
屯曾和薰弦接羽翰至今猶留花石盃杜鵑再賦長恨端蘇
州正念東隣女傷心又遇揚州人語言憔悴敢分明買酒行
澆茂陵士

飛來峰冷泉亭

尹仲明

湖山獨愛飛來峰孤猿長嘯寒烟中丹霞赤壁巖梵宇曾衣
草履來仙翁松根履曲絡山骨水光雲氣相冥濛流傳來自
天竺國攘奪造化開神功固知此語特虛幻豈有重濁能凌
空山川靈異本自有何假移撥迷西東詩人愛奇故踵謬誑
惑千古欺盲聾是耶非耶姑勿論且坐已此亭聞風

題桃花源

馮信可

桃溪東迴溪轉長桃花開時春光幽禽出樹亂紅落遊魚
吹花流水香山人正住溪之澗屋角花開自成塢尋源未許
武陵人隱居且作桃溪主拄杖架花來水頭禽魚亦解識風
流往來况有樵雲叟何昔銜杯同唱酬一樽時出桃花色花
落樽中已無迹醉鄉悠悠白日閑黃塵來々青山萬月平此

日桃花開山人淨掃溪陰苔我亦天台約劉阮春風一棹酒
船來

懷牧心

戴祖禹

風流年少今安在江頭駐馬空相待暮鴉千點落西陵歸帆
一片生東海去年別尔鴈南征今年迎尔春水生我心思尔
如春水回波相續無窮已君如鴻鴈早驚霜方逐長風度千
里歸來滿地生芳草相期走馬西門道大堤日出佳氣濃飛
絮遊絲滿晴昊如澗之酒傾玉壺下馬共飲休躊躇文章似
尔絕代無不須更草封禪書但願長醉黃公壚

贈玉泉山人何公

盧公載名居黃巖人

茫茫朔北多平野好山半落東南偏東南山多貴人少公侯
衮々生幽燕地氣由來有南北天運循環豈終極但恨至寶

遺道旁俗眼看朱或成碧何公西來騎白鱗人言大似郭景
純陰陽顛倒在其手論世禍福亦非真山川精英神物悶談
笑鑿開有餘地時人種德須百年瓜圃何憂失其遇我今鄠
市新築居請公為我卜遠圖公言此中亦大好空明佳氣無
時無

清明述懷

趙蕙友

名友蘭黃巖人翰林編脩

東風吹春柳始花青柳枝插簷斜內園小兒得新火紫烟
已遍金張家雙鸞鳴吹笙調鶯舌起踏秋千弄斜月夜深步轉
玉闌東笑倚梨花一株雪

送李彦方閩憲副使

謝敬德

使君昔我豸冠日正色危言動明主臺除近日多留中今日
東門送君去平生不到黃河壅塞帷萬里閩關路畫鷁輕搖

揚柳風繡衣肯衰蓄薇露

糖轡怨

徐天逸

門前水揚聲似雨幽人當窗碧弦語萬里征夫去不歸一雙
蛾眉井中舞年井上攀轡轡勞心只恐秋葵枯他家種得
長生草梅花落盡青正好

過歌風亭

張光弼

世間快意寧有此亭長還鄉作天子沛宮不樂復何為諸母
父兄知舊事酒酣起舞和兒歌眼中盡是漢山河韓彭受誅
黥布戮且喜壯士今無多縱酒極歡留十日感慨傷懷涕沾
臆萬乘旌旗不自尊魂歸猶為故鄉惜從來樂極自生哀泗
水東流不再回萬歲千秋誰不念古之帝王安在哉墓苔石
刻今如許幾度秋風灞陵雨漢家社稷四百年荒臺猶是開

五慶

讀杜拾遺百憂集行有感

余生行年將八十不知何者為憂戚富貴不驕貧賤安以此
存心度朝夕往年承乏佐中書大官羊膳供堂食只今賜老
作編氓衣食信天無固必陋巷簞瓢如素居不管茅茨春雨
濕門前載酒求賦詩錦軸牙籤日堆積在官不置負郭田既
老翻得稽古力毀譽都亡月旦評姓名不上春秋筆朝朱不
煩隣僧送暮米不煩太倉糴我亦一飯不忘君文人相輕所
不及傷我白首杜拾遺入蜀還秦勞輟迹文章蓋世亦何為
妻子相看百憂集

五王行春圖

開元天子達四駘羽旄管籥行相從當時從駕驪山者宰相

猶是環與崇華萼樓中雲氣裏兄弟同眠復同起玉環一旦
入深宮大枕長衾冷如水興慶池頭花樹邊梨園小部俱嬋
娟楊家姊妹夜游處銀燭萬條生紫煙寧知樂極哀方始羯
鼓未終鞀鼓起褒斜西幸雨霖鈴回首長安幾千里

贈製筆生許文珪

許生精藝誰可及材用剛柔以製筆水盆洗出紫兔毫便覺
文章生羽翼蒙恬將軍為動色為是秦王舊時物丞相斯曾
從駕行載此篆書封禪碣從秦至今幾千載兔尚存皮竹可
採利濟天下功不有入手千人萬人愛我昔為郎居將署用
筆唯於許生取輕衫日對紫薇花寫遍江淹夢中句

春日感事

林靈齊山

春風一夜吹為萍，隨風去渺流水人生

無根亦如女山故山入夢草芊芊半箇缺兩寒食天曉來白髮
稀可數多少朱顏化黃土高原并青烟斜麥飯洒松能幾
家子規叫殘金粟暮蘭紙蘭亭已飛去

文翰類選 大成三十



Handwritten text in vertical columns, likely bleed-through from the reverse side of the page. The text is arranged in several columns, with some characters appearing to be in a traditional Chinese script. The rightmost column contains characters that are partially obscured by the watermark.

